

# The Makuilongdi Express

Liangmai Daily Newspaper

"Mazibo niu ngamne"



Manipur ga Christian Church raithubo Phungyo Baptist Church ga n-danai Christian thiubo tingkum 122nd tanglubo gu manid mania khai mide. Manipur Christian Church tam-tam lamsu chamai sang waji wang lujiu padam lu cham khai mide.

Manipur Water Resource and relief Minister Awangbow Newmai niu Managing Director, National Highways Infrastructure Development Corporation Ltd. Chanchal Kumar tu aduojiu makhiam khailu Kaiphundai to Tousem & Tousem to Tamenglong pui maintenance lamga memorandum pikhai mide.



Zengtung 30 N-genhiu 2022 Masannai Chiang PO Tamei ,Tamenglong Dist. Manipur Vol.01. Issue 9 Page 1

Maiukat kumbo niu Tacheng tajai pakhiangna majai lujiu kengkhat majai maksai pakhiangna maomi bowe. Jacob 2:10.

**Minister Khasim Vashum niu tadui thum mibo chalu dung phuira chamai langkhai mide.**

Imphal Free Press

**N-gen. 29:** Ukhrul district ga thainai mien tingsa niu chalu kakeng tadui naijiu/thumjiu chamiu khatdi chalu waji kam masa mibo tu phuiwangra Chingai gu MLA, Khasim Vashum, Minister of Transport, Veterinary and Animal Husbandry niu SDO Jessami block tu tadjiu phuira langkhai mide chiujiu tacham ga dinne. Thainai miengu tingrot niu chamiu kam masabo ronnang makjiu chalu nai alot di waji kha taniang nai tatuniu laimine chiujiu dinne. Kam masa mibo chalupou maigu detail hai phiuwang ra Khasim Vashum niu langkhai mide chiujiu dinne.



Time of India

**N-gen. 29:** US gu State Florida ga ndanai tingkai tingthung katanbo wangbo jengni chaki chalu waji kam masa mide chiujiu dinne. Chamai wajiushaibam suiye chiujiu dinne chiudi tuhoi tangbora shaibo riak simakha jiu bamme. Governor Ron Desantis niu dinjiu Lee nai Charlotte namga lung bammai chamai 9,00,000 kumbo mari pad mide.

**Police nai ariaknah atungbo gasu police PM Kisan 12th install-chamai khangsum khatdi ariaknah ment Masannai khangkhat chiujiu ajam mide. langpatbo suiye.**



IFP Bureau, Imphal

**N-gen.29:** N-danai Imphal College gu ariak nahdung niu ariaknah dung phomgu election postponed thiumibo jengni suini makjiu Tidim pui, Imphal West ga agitation tadkiu bambo tu police niu wangjiu khamra kambo ga ariaknah mainai police atungbo gasu police khangsum khatdi ariaknah khangkhat chiujiu ajam mide chiujiu tachamga dinne. Ariaknah mainiu college gu mania khoipat

lujiu npuiga chami machiajiu npui khambam botu police dungni wangjiu kambo ga ariaknah mai dungni tasing tatu niu wanbo jengni police mai chamai khangsum hai ajam bowe. Sisetu hapengra police niu tear gas shells khatdi mock bombs kepbo gasu ariaknah khang khat hai ajamme khatdi ariaknah aliumai khang khat haisi pachun haji (Fainted) koukiu we chiujiu cond. P.2



Daily hunt New Delhi

**N-gen. 29:** PM Kisan scheme doujiu bammai haibo hiu zengtung 30 ga 12th insallment rangkang 2000 hai paliu gu account ga langkhai suiye chiujiu dinne, chiudi masansiak jiu government niura confirmed thiulu makhaye chiujiu tachamga dinne. PM Kisan gu scheme hai Prime Minister Narendra Modi niu 2019 kum luanched thiukhai bowe. Haibo scheme hai paki palu khatdi kadih charam kabam mai lung kasamai paki khuntu phuira chiujiu PM Modi niu rangkang crore 21,000 hai chamai crore 10 sanleng pikhai jiu bam bowe.

**Ukraine gu charam Russia niu asut lubosi Russia leng lukhaibo tien Kajannai tadkiu sune.**

Zee News. India



**N-gen.29:** Kajannai Kremlin gu namdi ga Ukraine gu charam Russia niu paliu guwe chiujiu asut ngutjiu bambo region 4 hai

Russia kadih mide chiubo gu signing ceremony hai President Vladimir Putin niu tadkiu misune chiujiu tachamga dinne. Chiudi kadih katambo dungniura sisetu wadi suini makjiu bammide. Russia niu asut lubo hai wadoudi lukhai makge chiujiu German gu Chancellor Olaf Scholz niu dinne. Canada niudi dinjiu Russia niu majimakbo jaiga Ukraine gu charam lun-gut bambosi aliura sikhai lakge chiujiu dinne.

## Karingting Lunlung



@Aliwi puilunnio, school pengmidi I natu majangra wangmak then naron nang wang manoh! Mazari/kagari patmi sua, sijah aliuwilia? ##Yoh apui kiu mazinoh!



Agiibo loimidi chaladkeng dinpad mibo sira wadoudi shai makge.

**Editorial**

Tuhoi aliu kadih ga majibo cham mah maksai chakak lad jiu mah chamai tu minmai pabam tam tam lam characham kengjiu patbambo hai aliu mathiu chiubam me.Haikumbo waga aliu nde teinmak salo maksai ndekambo jai taliuralo chiubo makum ra pageng bam sune.Tamei Hq. Authority niudi sangmai maksai maki khoulamai tasing tatu ngam maksai chaki chalu tien thiujui chaphi phira kawang mai tu palam phiu mawi khailo chiubo chapkhai mide. Maning makung jujiu chaki chalu thiumakdi doulak, maning kalam jujiu pangkam kamdi moupat khedi simak. Haijengniu tuhoi kumbo wanga jupou maida palam phiu masan lujiu majibo champou hai mathiu leng masan khaira pathou sune. Chiumak jiu kachang charuang simakjiu chalad pangdin din sai maidu maidahmai lungchun kam chariu bo kengjiu bamme.

**Congress ra wadi kamlu lakge Gandhi kikhun mai joumak sai. Digvijaya Singh.**

India Today

**N-gen.29:** Wangkinbo Congress gu President leng kadabo ga Digvijaya Singh di nomination file thiukhai mide. Panu dinjiu Congress ra Nehru-Gandhi kinahmai joumak sai wadi kamlu lakge palamra India niu khenrang thiumakbo suanglam khatdi khenrang thiulubo saidi paliugu ideology gasu India hai mawang wang mibowe chiujui dinne. Rajasthan gu Chief Minister Ashok Gehlot niu pah Congress gu president post leng kamlakde chiujui kalan lan lubo saiga Digvijaya hai chapra chiujui kambowe. Haibo post leng Shashi Tharoor nai contest thiu sune chiujui tachamga dinne.Paniu dinjiu anai kawibo jaiga election contest thiuraye pijiu congress tu pajeng tansanra chiujui dinne.

**Zou lemibo chamsuisi kalan khailanra government khuga tam-tambo phomniu khengjiu bam mide.**



Imphal Free Press

**N-Gen.29:** Manipur State Cabinete niu zou pabam kasia ga suiye jonsuibo leng lekhaibo tu suini makjiu thai katang sise kalan lan mira pabam tam-tam ga suini makbo thiujui ntoujiu bam mine c h i u j i u dinne.Khunthokhanbi Nisa bandh gu president M Ibeyaima

**Police nai ariaknah atungbo gasu....**

Police dung niu Education Minister Th Basanta tu resign thiumilo chiujui kheng khai mide.Imphal ga katam-tambo government college dungdi agitation hai tadkiu suwe chiudi security niu tight thiuju mijiu tadkiu phulak jiu tamiye chiujui dinne. Haikumbo kabuakbo patsan lan makra jeng niu Chagahi zengtung khatnai government nai aided college hinang suti (Holiday) pimide.

niu dinjiu, chabon mai tuhoira zou chun nien naita jiu, khatdi n-pui pai ga sita jiu zou sakjiu bam mine,situ aliuniu dinbo ga chabon mai khatniu haichiu kakge, tad lujiu Biren khu maniulo panu suikhai bojeng niu aliu sakbam boi chiujui kakge, chiujui tacham lumai khuga dinne.

condt. from P.1

Education Minister Th Basanta tu resign thiumilo chiujui kheng khai mide.Imphal ga katam-tambo government college dungdi agitation hai tadkiu suwe chiudi security niu tight thiuju mijiu tadkiu phulak jiu tamiye chiujui dinne. Haikumbo kabuakbo patsan lan makra jeng niu Chagahi zengtung khatnai government nai aided college hinang suti (Holiday) pimide.

**Myanmar court niu Aung San Suu Kyi tu tingkum su leng jail khaira chapkhai mide**



Time of India

**N-ge.29:** Military niu mawang bambo Myanmar court niu Kajannai Aung San Suu Kyi nai masuang pagu economic adviser, Australia mai Sean Turnell tu tingkum sum kabangki ga khaira chapkhai mide palamra mahinbo gu tacheng tajai (Secrets Law) nai immigration law phungkenbo donjeng niuwe chiujui dinne. Myanmar ga military niu mawng lubo sai Suu Kyi tu ronnang makjiu chamai sang waji tu di minjiu bambowe sibo ruangga politician, law-makers, students khatdi journalists tu di minkhai jiu bambowe. Suu Kyi tu hai masuang gasu tingkum 23 jail khaira pagu case tam-tambo bamjiu chapkhai bambowe chiujui dinne.

**Mathen Cham**



Imphal Time.

Indian Footballer khatdi captain Sunil Chhetri gu karingting gu mari nai pangamkam lamga FIFA niu ripatbo tu India Prime Minister Narendra Modi niu congratulation pikhai mide. "Kam mawide Sunil Chhetri, haisi niu India tu football ga pijiu muisu khang rabowe" chiujui Modi niu tweeter ga dinne. Sunil Chhetri hai international goal 84 tang mide, pariga Messi 100goal, khatdi Cristiano Ronaldo niu 117 chiujui kadhipiri ga international goal padih leng kamkhaibo hai pasumga bambo we. Pahai AIFF Player of the Year paluan chania doutang luwe siron nang makjiu Khel Ratna Award di lutou lubowe.

Advertisement for SUPER IAS 500 FOR 2022-23 BATCH. Includes details about scholarship worth ₹ 2.80 Crore for face-to-face IAS coaching under Chief Minister's Scholarship Scheme for Civil Services Aspirants. Also mentions a total scholarship worth 3.90 crore for 500 IAS aspirants.